

**REGIONAL NEWS UNIT  
ALL INDIA RADIO, AGARTALA  
Date: 05-04-2024  
Time: 07.35-07.40 AM Hrs  
BENGALI MORNING BULLETIN**

---

**East Tripura Constituency-nomination :**

পূর্ব ত্রিপুরা লোকসভা আসনের নির্বাচনে মনোনয়নপত্র গ্রহণের কাজ গতকাল শেষ হয়েছে। মনোনয়নপত্রগুলি আজ পরীক্ষা করা হবে। মনোনয়নপত্র প্রত্যাহারের শেষ দিন আগামী ৮ই এপ্রিল। পূর্ব ত্রিপুরা লোকসভা আসনের রিটার্নিং অফিসার তথা ধলাই জেলার জেলাশাসক সাজু ওয়াহিদ সাংবাদিক সম্মেলনে জানান, এই নির্বাচনের প্রতিদ্বন্দ্বিতার জন্য মোট ৯ জন প্রার্থী মনোনয়নপত্র দাখিল করেছেন। প্রার্থীরা হলেন বিজেপির কৃতি দেবী দেববর্মা, সিপিআই(এম)-র রাজেন্দ্র রিয়াং, আই এন পি টি শিব চন্দ্র দেববর্মা। তাছাড়া নির্দল প্রার্থীরা হলেন কৃষ্ণ মোহন জমাতিয়া, দর্শন কুমার রিয়াং, কল্প মোহন ত্রিপুরা, শত্রুঘ্ন জমাতিয়া, সন্তুজয় ত্রিপুরা ও অর্চনা ওরাং।

\*\*\*\*\*

**Submission of nomination Complete :**

লোকসভা নির্বাচনের দ্বিতীয় ধাপের মনোনয়নপত্র জমা দেওয়ার কাজ গতকাল শেষ হয়েছে। এই পর্বে আউটার মণিপুর লোকসভা কেন্দ্রের কিছু অংশের সঙ্গে ১২টি রাজ্য এবং কেন্দ্রশাসিত অঞ্চলের ৮৮টি লোকসভা আসনে নির্বাচন অনুষ্ঠিত হবে। কেরালার ২০টি, কর্ণাটকের ১৪টি, রাজস্থানের ১৩টি আসন, উত্তরপ্রদেশ ও মহারাষ্ট্রের আটটি আসন, মধ্যপ্রদেশের সাতটি, আসাম ও বিহারে পাঁচটি আসন, পশ্চিমবঙ্গ ও ছত্তিশগড়ের তিনটি করে আসন ও মণিপুর, ত্রিপুরা এবং জম্মু ও কাশ্মীরে একটি করে আসনে এই দ্বিতীয় দফায় ভোট হবে। এই পর্বের ভোট হবে আগামী ২৬শে এপ্রিল।

\*\*\*\*\*

**Review meeting on Election :**

মুখ্য নির্বাচনী আধিকারিক পুনিত আগরওয়াল লোকসভা নির্বাচনের প্রস্তুতি খতিয়ে দেখতে গতকাল সিপাহীজলা জেলার বিশালগড় টাউন হলে পর্যালোচনা বৈঠক করেন। তার আগে তিনি উত্তম ভক্ত চৌমুহনীর নাকা পয়েন্টে কর্তব্যরত নিরাপত্তা কর্মীদের সঙ্গে কথা বলেন। পর্যালোচনা বৈঠকে উপস্থিত ছিলেন রাজ্য পুলিশের নোডাল অফিসার জি.এস রাও, CRPF -এর আই.জি, ডি.এল গোলা, জেলা নির্বাচনী আধিকারিক নাগেশ কুমার বি, পুলিশ সুপার বি.জে রেড্ডি সহ পুলিশ ও প্রশাসনের অন্যান্য পদস্থ আধিকারিকরা।

\*\*\*\*\*

**Security Forces :**

মুখ্য নির্বাচনী আধিকারিক পুনিত আগরওয়াল গতকাল জানিয়েছেন, রাজ্যে দুটি লোকসভা আসন নির্বাচন এবং রামনগর বিধানসভা আসনের উপনির্বাচনকে অবাধ ও শান্তিপূর্ণভাবে সম্পন্ন করার জন্য পর্যাপ্ত নিরাপত্তা ব্যবস্থা গ্রহণ করা হয়েছে। রাজ্যে মোট ১০০ কোম্পানী আধা সামরিক বাহিনীর জওয়ান মোতায়েন করার পরিকল্পনা নেওয়া হয়েছে। ইতিমধ্যে ৭০ কোম্পানির বেশি নিরাপত্তা কর্মী রাজ্যে পৌঁছে গেছে। গতকালও কয়েক কোম্পানী নিরাপত্তা কর্মী রাজ্যে এসে পৌঁছেছে। রাজ্যে প্রায় সর্বত্র আইন-শৃঙ্খলা স্বাভাবিক রাখার জন্য পুলিশ ও কেন্দ্রীয় নিরাপত্তা বাহিনীর টহল অব্যাহত রয়েছে। বিভিন্ন হোটেলে বহিরাগতরা আশ্রয় নিয়েছে কিনা তাও খতিয়ে দেখা হচ্ছে।

\*\*\*\*\*

**SPO Suspended:**

একটি রাজনৈতিক দলের কর্মসূচীতে সরাসরি যোগ দেওয়ায় সাময়িক বরখাস্ত করা হয়েছে পুলিশের এক এস পি ও-কে। নির্বাচন দপ্তর সূত্রে জানা গেছে, মোহনপুর মহকুমা পুলিশ আধিকারিকের এক তদন্ত

রিপোর্টের ভিত্তিতে পশ্চিম ত্রিপুরা জেলা পুলিশ সুপার ড. কিরণ কুমার কে, সিধাই থানার এস পি ও সুমন হোসেনকে চাকরি থেকে সাময়িক বরখাস্তের নির্দেশে দিয়েছেন। নির্বাচন দপ্তর থেকে আরো জানানো হয়, এসপিও সুমন হোসেনের বিরুদ্ধে গত ২৮ মার্চ মোহনপুর বিধানসভা কেন্দ্রের অন্তর্গত রাঙ্গামুড়া এলাকায় একটি রাজনৈতিক দলের কর্মসূচীতে সরাসরি অংশগ্রহণ করার অভিযোগ প্রমাণিত হয়েছে।

\*\*\*\*\*

#### **Camping - BJP:**

লোকসভা নির্বাচনে পশ্চিম ত্রিপুরা আসনের বিজেপি প্রার্থী তথা সাংসদ বিপ্লব কুমার দেবের সমর্থনে গতকাল বড়দোয়ালি বিজেপি মন্ডলের উদ্যোগে আগরতলার নেতাজি স্কুল মাঠে একটি নির্বাচনী সমাবেশের আয়োজন করা হয়। উপস্থিত ছিলেন মুখ্যমন্ত্রী অধ্যাপক ডাঃ মানিক সাহা, কাউন্সিলার রত্না দত্ত। তাছাড়া প্রতাপগড় বিজেপি মন্ডলের উদ্যোগে পশ্চিম ত্রিপুরা লোকসভা আসনে বিজেপি প্রার্থী বিপ্লব কুমার দেবের সমর্থনে আড়ালিয়াতে এক নির্বাচনী জনসভায় উপস্থিত ছিলেন মুখ্যমন্ত্রী অধ্যাপক ডাঃ মানিক সাহা ও বিজেপি রাজ্য সভাপতি রাজীব ভট্টাচার্য। এদিকে, বিদ্যুৎমন্ত্রী তথা এলাকার বিধায়ক রতন লাল নাথ গতকাল মোহনপুর দীঘালিয়া গ্রামে এবং সাতডুবিয়া গ্রামে স্থানীয় কার্যকর্তাদের সঙ্গে উঠান সভায় অংশগ্রহণ করেন।

\*\*\*\*\*

#### **Election Meeting of CPIM at Kalyanpur :**

পূর্ব ত্রিপুরা লোকসভা আসনে ইন্ডিয়া জোটের সমর্থিত সিপিআইএম প্রার্থী রাজেন্দ্র রিয়াং এর সমর্থনে গতকাল কল্যাণপুরে একটি নির্বাচনী সভায় বক্তব্য রাখেন বিরোধী দলনেতা জিতেন্দ্র চৌধুরী, প্রাক্তন বিধায়ক মনীন্দ্র দাস, সি পি আই এম খোয়াই জেলা সম্পাদক রঞ্জিত দেববর্মা, মহকুমা সম্পাদক হেমন্ত কুমার জমাতিয়া, কংগ্রেস এর পক্ষে ছিলেন কনভেনর

কার্তিক দেবনাথ, বিধান দেববর্মা ও সিপিআইএম প্রার্থী রাজেন্দ্র রিয়াং  
প্রমুখ।

\*\*\*\*\*

#### **Congress Press Meet :**

কংগ্রেসের সর্বভারতীয় নেত্রী তথা এআইসিসি'র সম্পাদিকা জারিতা  
লাইতফ্লাং গতকাল আগরতলায় সাংবাদিক সম্মেলনে অভিযোগ করেন  
বিভিন্ন এলাকায় কংগ্রেস দলের প্রচার সজ্জা নষ্ট করা হচ্ছে। এব্যাপারে  
কংগ্রেস দলের পক্ষ থেকে নির্বাচন কমিশনের অভিযোগ জানানো হয়েছে।

\*\*\*\*\*

#### **Detain of brown sugar/ ganja:**

জিআরপি এবং কাস্টমসের যৌথ অভিযানে গতকাল সন্ধ্যায় যোগেন্দ্রনগর  
রেল স্টেশনে এক মহিলার কাছ থেকে ২৬০ গ্রাম ব্রাউন সুগার উদ্ধার করা  
হয়েছে। জিআরপি জানিয়েছে, ধৃত মহিলাকে আটক করে জিজ্ঞাসাবাদ  
করা হচ্ছে। তার কাছে ২০ টি প্যাকেটে ব্রাউন সুগার পাওয়া গেছে। এর  
বাজারমূল্য ২ কোটি ৬০ লক্ষ বলে জানিয়েছে পুলিশ।

এদিকে, আগরতলা রেল স্টেশনে ৩৫ কিলো গাঁজা সহ চারজনকে গ্রেপ্তার  
করেছে জিআরপি। আগরতলার জিআরপি'র থানার ওসি জানিয়েছেন,  
ধৃতদের সবার বাড়ি বিহারে।

\*\*\*\*\*

#### **Weather :**

আজ দুপুর পর্যন্ত আবহাওয়ার পূর্বাভাসে জানানো হয়, আকাশ সাধারণত  
মেঘলা থাকবে। দুই এক পশলা হালকা বৃষ্টি হতে পারে। রাজ্যের  
উনকোটি, ধলাই ও উত্তর জেলার কোথাও কোথাও ঘন্টায় ৩০ থেকে ৪০  
কিলোমিটার বেগে ঝড়ো হওয়া বয়ে যেতে পারে। সঙ্গে বজ্র বিদ্যুৎ সহ  
বৃষ্টিপাতের সতর্কবার্তা দেওয়া হয়েছে। আগরতলায় আজ ভোরের সর্বনিম্ন

তাপমাত্রা ছিল ২৬.২ ডিগ্রী সেলসিয়াস। দিনের সর্বোচ্চ তাপমাত্রা থাকবে  
৩৫ ডিগ্রির কাছাকাছি।

\*\*\*\*\*

\*\*\*\*\*